

Kidņipen
andre Narodno rada vaš Slovakijakeri republika

Informaciji pedal vol'ičis

I

Datumos the vacht, kana džal o kidņipen

Kidņipen andre Narodno rada vaš Slovakijakeri republika džal
sombatone 29. 2. 2020 andal 7:00 dži 22:00 ori

II

Čačipnaskero kidņipen

Čačipnaskero kidņipen andre Narodno rada vaš Slovakijakeri republika hin sakones manušes andal Slovakijakeri republika, so dochudela pro kidņipnaskero d'ives 18 berš the nič leske na zaterd'ol pedal leskero čačipen te kidel avri.

Kana le dženes nane čačipen te kidel avri u leskeri osobno sloboda hiņi odcirdl'i le zakonoha, bo kampil te zaučaren sakodženengero (verejno) sast'ipen.

III

Čačipen te jel kidno avri

Vaš poslancos andre Narodno rada vaš Slovakijakeri republika šaj te jel kidno o manuš andal Slovakijakeri republika so dochudela pro kidņipnaskero d'ives 21 berš the l'ikerel te bešel andre Slovakijakeri republika.

Kidņipnaskeri prekažaka hiņi:

- kana manuš bešel andre bertena
- kana manuš hino odsudzimen vaš džandonos kerdo bibacht, kana ada bibacht nane zagarudo
- kana manušes nane peskere čačipena

IV

Kidņipnaskere maņira

O vol'ičis šaj kidel andre Slovakijakeri republika

- andro kidņipnaskero kotor, kaj andro zoznamos hino irimen vaj
- andro vajsavo kidņipnaskero kotor le kidņipnaskeri legitimacijaha the sas vaš peskero phučiben irimen andro osobitno kidņipnaskero zoznamos
- l'ikerel te bešel andre Slovakijakeri republika kana hino kidņipen the kana džal kidņipen hin andre avrithe the vaš o poštakero kidņipen zamangel peskero gav vaj foros, kaj bešel

V

Kidņipnaskeri legitimacija

Le vol'ičis, so les hin bešutno l'ikeriben andre Slovakijakeri republika the naš'ti te kidel avri pre peskero than the kidņipnasklero kotor kaj bešel the hino irimen andro kidņipnaskero zoznamos andro d'ives, kana ela kidņipen, šaj mangel peskero **gav vaj foros, kaj bešel**, vaš kidņipnaskeri legitimacija. Gav vaj foros vaš leskero mangipen dela e kidņipnaskeri legitimacija the andal kidņipnaskero zoznamos les odčhivela le laveha, hoj leske diņa e kidņipnaskeri legitimacija.

Le kidņipnaskeri legitimacijaha šaj o vol'ičis kidel avri andro chocsavo kidņipnaskero kotor.

Vol'ičis šaj mangel vaš kidņipnaskeri legitimacija

osobnones,

jekhnasig agorutno buťakero d'ives anglal oda, kana džal kidņipen (oda jekhnasig 28. 2. 2020) pedal uradna ora andro gav vaj foros.

O gav vaj foros dela e kidņipnaskeri legitimacija bijo vacht.

andre prajtoskeri forma avka,

aj o mangavipen vaš kidņipnaskeri legitimacija sas bičhad'i le uradoske jekhnasig 15 buťakere d'ivesa anglal d'ives, kana hino kidņipen (oda jekhnasig 10. 2. 2020)

elektronickones (emailoha) avka,

aj o mangavipen vaš kidņipnaskeri legitimacija sas bičhad'i le uradoske jekhnasig 15 buťakere d'ivesa anglal d'ives, kana hino kidņipen (oda jekhnasig 10. 2. 2020). O urados presikhavel pre peskero webovo than o elektronicko adresa pedal bičhade mangavipena. Kana le urados nane webovo than, presikhavel adresa pedal bičhade mangavipena pre uradno šiba.

Mangavipen mušinel te l'ikerel informaciji pal vol'ičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben (gav vaj foros, ul'ica, numeros)
- adresa, pre savo o urados bičhavela kidñipnaskeri legitimacija

Maškar dženes, so leske o vol'ičis diña peskeri zor

šaj te mangel vaš e kidñipnaskeri legitimacija jekhnasig agorutno d'ives anglal kana džal kidñipen (oda jekhnasig 28. 2. 2020).

Mangavipen mušinel te l'ikerel informaciji pal vol'ičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben (gav vaj foros, ul'ica, numeros)

O urados bičhavela e kidñipnaskeri legitimacija le vol'ičoske pro adresa vaš leskero thanutno l'ikeriben, jekhnasig trin but'akere d'ivesa odkanastar o urados chudña mangavipen. O urados bičhavela e kidñipnaskeri legitimacija pre adresa, so hiñi irimen andro mangavipen la doporučeno poštaha „Andro peskere vasta“.

Kana o vol'ičis andro irimen mangavipen vaj elektronicko mangavipen irinela, hoj e kidñipnaskeri legitimacija lela aver manuš, mušinel andro mangavipen te irinel leskero nav, nav pal dadeste the numeros andal dženoskeri legitimacija. Ada manuš mušinel pes te podirinel peskere podpisoha, hoj preil'a e kidñipnaskeri legitimacija.

VI.

Poštakero kidñipen

Vol'ičis, so len hin thaneskero l'ikeriben andro Slovakijakeri republika the kana džal kidñipen, nane khere

Vol'ičis, so len hin thaneskero l'ikeriben andro Slovakijakeri republika the kana džal kidñipen, nane khere, šaj mangel o urados odoj kaj bešel vaš poštakero kidñipen, the avka

pisomnones (andre prajtoskeri forma) avka,

aj o mangavipen pal poštakero kidñipen sas bičhado pre uradoskeri adresa (obecno urados) jekhnasig 50 d'ives anglal kidñipnaskero d'ives (oda jekhnasig 10. 1. 2020)

Pro mangavipen so hino dothodo nasig, pes na dodikhel

elektronickones (emailoha) avka

aj o mangavipen pal poštakero kidñipen sas bičhado pre uradoskeri adresa (obecno urados) jekhnasig 50 d'ives anglal kidñipnaskero d'ives (oda jekhnasig 10. 1. 2020)

Pro mangavipen so hino dothodo nasig, pes na dodikhel

Mangavipen pal poštakero kidñipen mušinel te l'ikerel informaciji pal vol'ičoste

- o nav the nav pal o dad
- ul'ardo numeros
- themutno prithoviben
- adresa vaš thanutno l'ikeriben andro avrithem

Kana mangavipen l'ikerel andre peste savoro so majinel te jel, , o urados bičhavel jekhnasig 35 d'ivesa anglal kidñipnaskero d'ives le vol'ičoske, so mangl'a pal poštakero kidñipen, pre adresa so vol'ičis l'ikerel andro avrithem

- čuči kopertka le uradoskere cajchociha
- kidñipnaskere l'ilora
- visard'i kopertka (so hiñi cajchimen le hesloha „VOLBA POŠTOU - ELECTION BY MAIL“, irind'i le uradoskero adresaha the le vol'ičoskeri adresaha sar tebi bičhado,
- sikhaviben sar pes kidel

Kana o vol'ičis kidela avri (vaš oleste sar pes kidel avri), thovel o vol'ičos kidñipnaskero l'iloro andre kopertka le cajchociha the zaļepinkerla la. Lepind'i kopertka thovela andre visard'i kopertka, so la bičhavela. Vaš visard'i kopertka počinel oda, ko la bičhavel.

Andro kidñipnaskero rezultatos pes ginen o hlasi so hine andro kidñipnaskere l'ilora, so sas bičhade the zaile andro urados, kaj o vol'ičis l'ikerel peskero than jekhnasig andro agorutno but'akero d'ives kana pes zachudel kidñipen. (oda jekhnasig 28. 2. 2020).

* * *

Aver informaciji ko kidñipen andre Narodno rada vaš Slovakijakeri republika hine irinde pro webovo than

www.minv.sk/?volby-nrsr